

NOTA DE PRENSA

DIM 2021

18 de maio: Día Internacional dos Museos

“O futuro dos museos. Recuperar e reimaxinar”

O MARCO celebra unha data tan especial con obradoiros para público infantil e adulto, que se escalonarán durante catro días consecutivos, do 18 ao 21 de maio, xunto a visitas guiadas á exposición 4 PROXECTOS e actividades do Club de Lectura.

<https://bit.ly/3y9INJK>

#DIM2021 #OFuturoDosMuseos @ICOMOficial



O DÍA INTERNACIONAL DOS MUSEOS 2021

O Consello Internacional de Museos (ICOM) creou o Día Internacional dos Museos en 1977 para sensibilizar o público sobre o papel dos museos no desenvolvemento da sociedade. Dende entón, cada **18 de maio** miles de museos de países e territorios en todo o mundo celebran este día en torno ao tema elixido polo ICOM para cada edición —incluído o pasado 2020, cun altísimo índice de participación a pesar das limitacións impostas por un formato exclusivamente dixital.

A crise da Covid-19, propagada polo mundo enteiro, tivo graves repercusións no sector cultural a curto e longo prazo. Non obstante, tamén serviu de catalizador para innovacións cruciais que xa estaban en marcha. En particular, un maior enfoque cara á dixitalización e a creación de novas formas de experiencia e difusión, e o reforzo do potencial creativo da cultura como motor de recuperación e innovación na era post-Covid.

Co tema “**O futuro dos museos: Recuperar e reimaxinar**”, o Día Internacional dos Museos 2021 invita aos museos, aos seus profesionais e ás comunidades a crear, imaxinar e compartir novas prácticas de (co)creación de valor, novos modelos de negocio para as institucións culturais, e solucións innovadoras para os retos sociais, económicos e ambientais do presente.

As actividades xirarán ao redor da exposición “**4 PROXECTOS. Mónica Alonso, Rosendo Cid, Salvador e Juan Cidrás, Mar Vicente**”, recentemente inaugurada nas salas da planta baixa. O diálogo cos distintos espazos, que está na base deste proxecto expositivo, será o eixe condutor dos percorridos e talleres sobre a obra de cada artista.

En liña co lema do ICOM para esta edición, trátase de crear, imaxinar e compartir propostas contemporáneas partindo, neste caso, dun patrimonio arquitectónico como é o propio edificio do MARCO e os espazos que o conforman.

ACTIVIDADES

“O futuro dos museos: Recuperar e reimaxinar”

CALENDARIO E HORARIOS:

É máximo!

Actividades e obradoiros para público infantil, ao redor da exposición “4 Proxectos”

Destinatarios: público infantil a partir de 3 anos

Máximo 10 participantes, previa inscrición e reserva

- Martes **18**, mércores **19**, xoves **20** maio
Horarios:
De 17.00 a 18.30 participantes de 3 a 6 anos
De 19.00 a 20.30 participantes de 6 a 12 anos

As instalacións de Mónica Alonso e de Mar Vicente sérvennos de base para os talleres infantís. Unha cápsula espacial que aterra no medio do panóptico, seis aves de cores que contan historias,... Formas, cores e sombras que aparecen, se esvaen e cambian cando nos movemos... é máximo! Que máis sorpresas haberá?

A abstracción é a mirada

Taller para público adulto, ao redor da exposición “4 Proxectos”

Destinatarios: público adulto en xeral (reserva preferente membros AAM Agrupación Amiga do MARCO)

Máximo 10 participantes, previa inscrición e reserva

- Venres **21** maio
Horario: ás 18.00

Percorremos a obra de Rosendo Cid, e no taller intentamos recrear unha peza bidimensional/tridimensional con mínimos recursos, poñendo en xogo coa nosa capacidade de percepción.

Recuperar e reimaxinar

Visitas á exposición “4 Proxectos” guiadas por monitores MARCO

Destinatarios: público en xeral

Máximo 20 participantes, previa inscrición e reserva

- Martes **18**, mércores **19**, xoves **20**, venres **21** maio
Horario: ás 12.00

Os artistas da exposición “4 Proxectos” recuperan e reimaxinan os espazos da planta baixa do MARCO, potenciando as súas calidades, transformándoos e reforzando tamén o seu valor simbólico. Os percorridos guiados axúdannos a afondar na obra e proposta de cada artista, as súas características peculiares e as liñas, ás veces invisibles, que os unen.

Artistas en torno a un espazo

Visitas á exposición “4 Proxectos” guiadas por artistas participantes

Destinatarios: actividade exclusiva para membros AAM Agrupación Amiga do MARCO

Máximo 20 participantes, previa inscrición e reserva

- Venres **21** maio
Ás 17.00: visita con **Rosendo Cid**. “Todo aquilo que sucede e con todo non é”
Ás 19.00: visita con **Mónica Alonso**. “A maxia do colibrí. Seis casos desesperados”

Coincidindo coa celebración da semana do DIM, Mónica Alonso e Rosendo Cid acompañarán a membros da Agrupación Amiga do MARCO nun percorrido especial por salas, nun relato en primeira persoa.

As lecturas dos días

Sesións Club Lectura

Destinatarios: participantes Club Lectura #BiblioMARCO

- Mércores **19**, venres **21** maio
Horarios:
Miércoles ás 19.00 = Grupo virtual por Zoom
— Mark Oliver Everett. *Cosas que los nietos deberían saber*
Viernes ás 19.00 = Grupo presencial
— Julian Barnes. *O ruido do tempo*

No Club de Lectura #BiblioMARCO, os eixes argumentales das novelas están relacionados coa arte nas súas distintas manifestacións, e cada sesión está acompañada con material de apoio e catálogos que, máis alá da lectura en si, establecen relacións con obras e movementos artísticos, o que o converte nunha experiencia diferente que axuda a afondar nos contidos da creación contemporánea.

INSCRICIÓN ACTIVIDADES:

A partir do venres 14 de maio en Taquilla MARCO

Tel. 986 113900 (extensión 100)

recepcion.marco@gmail.com

Horario taquilla: de martes a sábados de 11.00 a 14.30 e de 17.00 a 21.00 (domingos de 11.00 a 14.30)

Contacto Dpto. Comunicación e prensa

Marta Viana Tomé

Tel. +34 986 113908 / 113904 / 113900

comunicacion@marcovigo.com

MARCO, Museo de Arte Contemporánea de Vigo

FUNDACIÓN MARCO: Concello de Vigo, Xunta de Galicia, Ministerio de Cultura y Deporte

R/ Príncipe 54. 36202 Vigo. Tel: 986 113900 info@marcovigo.com www.marcovigo.com